

Sigle: Wo

Aufbewahrungsort: Herzog August Bibliothek Wolfenbüttel

Signatur: Cod. Guelf. 1082 Helmst.

[71r,01]Swe gift dat mi dat min houet wul wa(=
teref fi vppe dat mine oghen vleten hen van
tranen nat vppe dat mi tu wetende werde
van *der* keyferinne des hemelrikef. wat min
leue fute *herre* got let an *finer* bitteren mar(=
tere. Tuleft erfcen vnse vrowe anfelmus
Vnd fprac also grote dinc vnd also bittere
fmelike dinc let min *herteleue* fone dat gen
minfche dat *funder* tranen vtlegen mach.
Mer wante ic nu vort mer ghecÿret bin
mit *der* gotliken clarheÿt vnd ic vele walt
hebbe *der* ik di berichten willen De erfte ere
de ic dar hebbe in dem himmelrike van minem
leuen fone dat if dat de ouerloticheÿt mi(=
ner vrowde vnd min tret houen alle godes
hilgen ere vnd alle *der* engele ere vnd ich vor(=
mach alleyn mer an dem hemmelrike weder
min leue kint den fe alle. De andere ere
de is likerwif also de funne de nacht vor(=
drift vnd ene clarheÿt dem daghe. Also
vorluchtet is dat al hemelfche her mit
miner clarheÿt vnd mit *miner* vrowde vnd
vrowe fe alle De dridde ere is dat aller
[71v,01]dat in dem hemele is dat is mi horfam vnd
eret mi mit *groter* tucht also eÿne moter
Des ouerften uorften ic mach wol fpreken
Michael hale mi de fele. Raphael trofte mi
den armen bedroueden minfchen. Gabrel
fterke mi den bekorenen minfchen. Dat urde
is dat def himmelfcen godes wille vnd min wil(=
le leuen mach also vorenet is dat ic vor(=
mach alle dat ic wille def ftadet mi de hil(=)

ge dreuoldicheit. Dat vifte is dat min
willekore leuen mach alle den de mi trueli(=
ken denen beyde an der werlde vnd an dem
hemele De fefte if dat ic vpgheuoert vnd
ghehoget bin bouen alle de engele vnd fit(=
te allernegeft der hilgen dreuoldicheyt. Dat
feuede if dat ic def wif bin dat mi deffe vro(=
wede vnd deffe ere gimbermer behalden is
vnd befitten fcal. S<n> anfelme nadem dat
ic alfo gecyret ben mit der ewigen clarheyt
fo ne mach ic nicht wenen noch numbermer
bedrouet werden Nochten fo will ic di feg(=
en wo vnd wellicker wif min herteleue fone
let den bitteren martere. Do fprach anfelmus
O edele iuncurowe de dar bift en cyrede
def paradifes en vrowde def hemeles eyn war(=
[72r,01]heyt deffer dinghe deic di vraghe Ic vormode
mi des werliken nadem dat de fute iefus
was eyn foticheyt dinef herten. vnd al din bege(=
ringe vn al din troft fo vormodic mi def wol
dat tu dinemme leuen kinde navolghedest vnd
fegheft wo he bunden wart. vnd befpiet wart
vnd gheflagen vnd ghefelt vnd lafterliken vnd
iamerliken handeled vnd finen fmeliken galghen
fuluen uppe fime rucghe droch. Eya leue vrowe
nu bide ic iu dat gi mi berichten welkerleye
wif fic begunde de bittere martere iuwes leuen
kindef Do antwerde em vnfe vrowe vnd fprac
Do min leue fone de auentfpife gheten hadde
mit finen iungheren do ftunt vp iudas fcarioth
vnd ghinc to den mefteren. vnd to den vorften der
ioden vnd vorkofte min leue kint vmme drit(=
tich penninge. do vraghede anfelmus welker(=
leyge weren de penninge. do anwerde eme vfe
leue vrowe Se weren yfmahelitici dar iofeph
vmme vorcoft waf. Darvore one twedu(=)

fent iare vnd de penninge erfden van vorften
to vorften also et fic den borede vnd en penninc
waf also gut also teyn andere de do ghingen
darna vraghede anfelmus edele iuncvrowe
were gi do mit iuwem leuen fonen vnd mit
finen iungheren do he vorraden wart. Do
sprac vnse vrowe nen Mer auendes spade do
he gheten hadde vnd finen bundiden licham en ge(=
[72v,01]uen hade vnd foteliken en predighet hadde do ghinc
min leue fone to dem berghe to fyon dor eyne por(=
ten de dar hetet natatoria fyloe vnd dar waf
en wortegarde dar ghinc he in mit finen iun(=
geren vnd dewile dat se slepen do ghinc he vp den
vot def berghes oliueti also verne also mit eynem
ftene werpen mach van finen iungeren vnd bedede vnd
dat bed was aldus Eya herre hemelsche vader
twide mi wante din barmherticheyt is milde vnd al(=
tu werd<h>ic. Vnd ne kare din antlat nicht io van di(=
nem kinde twide mi cortliken wante ic fere bedrouit
bin wante min fele is bedrouid an den dot. vnd dar
fwetede he blot dor dre fake. De erste fake waf
waffte he de naturlikefte mensche de gi van moderli(=
ue boren wart. wante he was en mefter der nature
darumbe waf id wol billic dat he de beste were de
andere fake waff wante he de alderedelfte waf konin(=
gef ftamne vnd vles vnd blot wart ghenomen van dem hil(=
gen ghifte van deme alderreynesten blode dat de ter(=
like iuncvrowe an all erme lyue hadde. also auftinus
de spreket darvmbe waf fin licham van ener iunc(=
vrowen lichame vnd waf also terlik. Darvmbe en
fwetede he nen water mer dat rode blot. De dridde
fake was wente he god was wnd alle dinc wol wil(=
te vore wo me fin gotliken antlat anspigen scolde
vnd wo me ene mit der fcarpen dornencronen fin leue
houet wnden scolde vnd wo he gheyllet werden scolden
wo he naket lafterliken an dem smeliken cruce han(=)

[73r,01]ghen scolden vnd den bitteren dot liden scolden vnd dat
oc wol vorewifte dat de vmbahertighen ioden
dar he dicke wol bi dan hadde sic an neneme
dinge ouer en vnbarmen darvmbc fwtede he oc
blot Mer do he aldus bat den hemellefscen got
do erfscen ein engel vnd fterkede ene vnd fprac Ey(=
a leue herre *Jesu* wefet vrom vnd ftede nu scole gi
lofen alle minfchekunne Do ginc he to finen iun(=
gheren vnd vant fe flapende vnd fprac aldus en
moge gi nicht eyne ftunde mit mi waken de dat
fpreken dat gi wolden an den kerkener vnd an
den dot gan mit mi Do quam iudaf an den
wrtegarden dar *Jesus* was mit ener groten fca(=
re vnd fprac to deffer fcare tve vnder def(=
fen fint fere lic *Iacobus* vnd *Jesus* darvmbc ghe(=
uic iv en teken wene ic kuffe vor den munt de is
it haldet ene vafte vnd voret wilfiken wente
iudaf wifte dat wol dat he wol vntkomen moch(=
te efte he welde Do de ioden heretraden do trat
iefuf en vntgeghen vnd fprac wen foke gi
Do repen fe lude *Jesum nazarenum* foke we
vnd vellen drie darneder vnd quemen van fic
filuen Do fprac vnfe leue here o<...> gi foken
ic bittet fo latet mine iungheren wechgan
vnd dot en nicht· Do iudaf kufte ene vor finen
munt Do fprac min fone *Jesu* Eya iudaf nu
vorreftu def minfchen fone mit eme kuffen(=
de Do grepen fe ene an de vmbahertighen io(=
den vnd bunden eme fine leuen oghen alfo ey(=
[73v,01]me deue vnd fine naturliken hande dat em dat blut
vt den neghelen fpranc do toch petrus fin fwerd
vt hew eyne knechte dat ore af vnd de knecht
het malchus Do fprac *anfelmus* Scach dar genich
teken Ia fprac vnfe leue vrowe Min leue kint ma(=
kede den knecht funt vnd fprac to petere *petrus* ftic din
fwert an din fceden vnd ne weftu des nicht wol(=)

de ic bidden minen hemelfchen vader he ne fande mi mer
den sefdufenfeshundertvndfessvndfestic engele
do dat ghesproken was do vloghen alle sine iunge(=
ren vnd vorchteden fines do blef de arme *Jesus* allene
ftande manc finen vmbarhercighen viende Do vraghe(=
de anfelmus wereftu do bi eme herteleue vrowe Nen
fprac vfe vrowe Id was nacht vnd fpade vnd vo(=
ghede fic nicht dat eyn iuncvrowe alfo fpade
were vp der straten vnd dat me fe buten flote vun(=
de do vraghede anfelmus wor ware gi bedroue(=
de vrowe <o> iu de bodescap quam Do antwarde
vnfe vrowe Ic was an miner fuster hus marien
iohannef moter ewangeliften Do vraghede anfelmu
Eya gude vrowe fecket mi welkerwis ofte we
brachte iu de iamerliken bodescap Do anwerde(=
de em vnfe vrowe vnd fprac hore nu anfelmu
en iamerlike dinc sine apoftolen quemen lopen to
mi mit groter fcricht vnd mit wenende vnd re(=
pen iamerliken lude vnd fpreken mi to Owe alderle(=
[74r,01]uefte vrowe din leue fone vnd vfe leue meyster is
ghevanghen vnd ghebunden alfo en def vnd is en(=
wech ghevort vnd we en weten des nicht we(=
der de ioden en gemordet hebbet ifte nicht of(=
te wat fe mit em don willen Do fprac anfel(=
mus Eya leue vrowe da wenede gi hertiliken fere
Do feghede vnfe vrowe Ia fprac fe allen dat
ic dat wol wifte dat de minfche anderes nicht
gemochte lofet werden mer fime bitteren dode
iodoch van groter moderliken leue haddic alfo
grote hertefer alfo mi eyn fwert ginge dor
min herte Do vraghede anfelmus wart he do ghe(=
vort Do fprac maria vte deme wortegarden
ouer den dal to iofaphat dor ene porte to ihe(=
rufalem de de guldine porte het. dor eyne ftra(=
ten dar de ouerfte vnd de wifen ioden woneden
bi dat temple in enes vorften hus de het an(=)

na vnd vragede ene wat he de lude leret hed(=
de Do anwerde em min leve sofe *Jesus* Ic heb
allet openbare sproken wat ic *der* werlt ghe(=
leret hebbe vnd nicht hemeliken an den winke(=
len Do quam en fnode rybalt vnd floch en mit
der hant an sin anlat vnd sprac aldus Scaltu
also vorkarliken anwerden *der* ioden konig
vorften Do vnse leue mit groter sachmodicheyt den
ribalde to hebbe ic de warheyt ghesproken so
[74v,01]bekennes mi heb ic ouele ghesproken so vortughef
mi vnd warvme haftu mi so hertiliken fere fla(=
ghen Do brachte defilue ribalt eyenen linenen
doch vte fime clejde vnd bant *Jesus* de oghen tu vnd
sin antlat also eneme deue vnd floch ene an sinen
hals vnd wart do so en dore van em bespotet vnd
spreken *Jesus* *der* ioden konig entrat we floch di Do
dit iamerlike spil perus sach do vorfakede he
sines drie vnd fwor fere dat he des mannes nicht
en kende· Menne an alle deffer smaheyt do sach min
leue kint vmbe vnd sach petrus an altu herteferli(=
ken do sach en oc petrus an vnd wenede herteliken fere
Do vragede anfelmus Maria wor were gi do herte
vrowe do desse dinc al gheschen weren do sprac
vnse vrowe tohant Do id de apostolen mi kunde(=
ghen iamerliken wat dar gheschen waf do lep ic
mit maria magdalena bi dat tempel vnd horde de
unvoghe wolt an annes hus de fe dreuen mit
minem leuen sonen vnd hedde altu gherne gan an dat
huf mer de vmbarmhertighen ioden vnstedendes mic
nicht Mer ic ftunt dar buten bi der want vnd scri(=
gede vnd wenede also en bedrouet vrowe de ere
leue kint verloren hadde vnd min oghen vloten
hen van tranen wante al<i> min troft was an
groten noden vnd rep mit ener luden stemne Owach
vnd owe minef alderleueften kindes dat ik nu hore
an groten pinen vnd ic emei leyder nicht helpen mach

Eya we ghif min houet wl wateres vp dat mine
[75r,01]oghen henvleten van tranen bewenen
nacht vnd dach dat grote iamer dar *min* leue
kint <nu> an is vnd maria magdalena lep vmme
dat hus vnd fach in tem vinfere vnd hadde altu
gerne darinne wesen mer men ftadef ere nicht
vnd ic ftunt dar buten also bedrouet moder
vnd bewenede *minen* heren vnd *min* leue kint vnd
horde wol dat se ene mit den vuften an den hals(=
knoken floghen vnd mit vlaker hant an fine
wangen vnd dat se ene bespÿende vnd handeleden
ene fere smeliken do bedroued sic al min lif
vnd de stemne vorghinc mi dat ic nich luden moch(=
te vnd horde oc dat petrus finer drie *verfac* Do
quam her vtgande do he fines vorfaken hadde
vnd wenede bitterliken fere vnd vant mi bedro(=
ueden moder dar buten ftande. Vnd do he mi fach
do rep he iamerliken mit luder stemne vnd sprac
Owe allerhertenleuefte vrowe nu handelet
men *din* leue kint vnd *minen* foten meyster also
iamerliken dat di dat nen herte fecghen
kan vnd lep hen vnd hudde sic fit vnder ene(=
me ftene de het hanekrat dar hudde sic van
angestef weghene und openbarede sic nicht
mer do *Christus* do was an deme cruce Do
vraghede *anfelmus* wo ginc id do vort Do
sprac vnse leue vrowe Def morghenes vel vro
[75v,01]do vorden se ene van annes hus. vnd treckeden
ene to cayphas hus def biscofes Dar mo<c>te ic
eme also eyn lowinne· vnd fach dat wnnichli(=
ke antlat bevetket mit *der* speken vnd fine har
totoghen vmme sin houet vnd ic wenede vnd
sprac Owi allerleuefte fone min Owi allerfo(=
tifte kint wat ic di nu mamerliken se wante ic
di dicke alte vroliken hebbe anghesen vnd lep to
eme vnd wolde ene helpen vnd kuffen mer de io(=)

den ftotten mi vnwerliken van em. vnd fteden mi
def nicht mer fe worpen mi van eme fmeliken. vnd
dat volc quam torende likerwis alfo to eyne
deue den me hentreckede to den ghalgan alfo me
ene han fcal. Do vraghede anfelmus Eya fote vro(=)
we berichtet mi hadde gi geneghe hopene dat
he lof werden motte iwe fone Do fprac maria
Ia drierleye wis hade ic hopene alreft hope(=)
dic dat he lof werden fcolde wente ic wifte
dat wol dat he wol vele finnef hadde vnd fere
befpraken waf darvmmme hopedic def dat fic
vnfculdighen fcolde ifte fchien welde vnd fine
welde vorwinnen. Mer do fach ic dat he ftunt
vnd. fwech vnd dede finen foten munt nicht enef vp
To anderem male wift ic dat wol dat he en
fere fcone iunghelinc waf vnd Infellich vnd fu(=)
uerlic an dem antlate vnd hopede def dat eme fco(=)
nen welde vnd erbarmen ouer en Ia do befinge(=)
[76r,01]den fe ene vnd vorfmaden ene alfo eyne vormalat(=)
heften minfchen vnd ulon ene vnd ghingen van em
To dem dritden male waf minn hopene dat dat
volc dem he dicke foteliken prediket hadde vnd ere
feke funt ghemaket hadde vnd fe van dem du(=)
uele loft hadde vnd de he an der woftenige mit
vif broden ghelauet hadde dat dat vlot ene
lofen fcolde want is vifdufent waf. Ia do re(=)
pen fe alle treckeden ene hen wante hen en
rech loghener if vnd cruceghet ene he if bofe
he heuet def ghalgen wol vordenet vnd <...><fta>
Do vraghede anfelmus wor vorden fe ene do hen
Do fprac maria tu dem richtere pylatuf vnd do
vraghede en welic fin konincrike were vnd oft
he der ioden koninc were Do fprac vfe leue he(=)
re Secke ic iw de warheyt gi ne louet ef mi
nicht Do vraghede en pilatus wat is de war(=)
heyt Do fwighede vfe here vnd antwerde em

nicht Do ghinc pilatus to den ioden vnd sprac Ic en
vinde nene sake def dodes an deffem manne ic wil
ene slan laten vnd wil ene gan laten Do repen de
ioden alle Leftu ene gan so en bistu def key(=
ferf vrunt wante we sic to eme koninghe ma(=
ket de fet sic weder den k<e>yfer Mer crucighene vnd
hing ene an den galghen he if def dodes wol
wert Do let en pilatus gheyflen vnd let also vele
blodes vte sine fote[n] lichame dat de fule dar he vm(=
me bunden waf al blodich wart Darna do he
[76v,01]gheyflet waf fande ene pylatus herodes vnd vraghe(=
de em vele Mer *Jesus* antwerde em en wort nicht
Do fande he one weder to pylatus vnd do worden se
vrunt pylatus vnd herodes de er lange viende we(=
ren wante herodes hade langhe begheret *Jesum* to
fende dor de tekene he dede wante he hadde e(=
me ghevraghet van dren tekene alrest van den
dren koninghen der dar quemen van dem ofter(=
lande tu sinen vader herodes vnd van dem kinde
oft du dat sif dat sif dat de koninghe sege(=
de dat ic were der ioden koninc *Jesus* fwighede al
fille dat andere waf van dem iunghelinghe den he
erwecket hadde van dem dode in der ftat tu naym
de sin waf dat dridde waf van den vtfetefchen
iuden de he sunt maket hadde vnd van lazarus
vp dat he eme berichtet hadde so louede he
eme he welde ene ledich maken van dem dode
Mer *Jesus* antwerde em en wort nicht do belach(=
ede ene herodes vnd sine riddere vnd fande ene
weder to pylatus Do sprac pylatus to den ioden
wille gi ic late iu ledich *Jesum* do repen se alle
nichtet nicht *Jesum* mer barraban heg ene an
dat cruce id if betere dat he allene sterue
den wi alle vorderuen Do het pylatus sinen
ridderen dat se vlachten en dornecronen vnd
druckeden *Jesum* an sin houet mit grellen vnd

floghen ene mit rore dat fin antlat hen(=
 dref van blode Do sprac pylatus fet gi ioden
 [77r,01]hir antwere ic iu den man vnd scolen dat weten dat ic
 nene fcult def dodef an em vinde Do trat *Jesus* her(=
 vore gecronet mit *dem* dorne vnd hat an eyn rot
 pellinlet Do rep pylatus hir if de man Do repen
 alle de ioden cruceghen han in dat cruce Do rep
 en bodel mit *luder* ftemne pilatus vn but iu ioden dat gi
Jesum binden dat cruce vp finen rucke vnd ten ene to
 dem galghen gichtefwelke lude de belacheten en vnd
 bespotteden en de anderen lude nemen pol uter ftra(=
 ten de anderen hor vnd worpen vp fin houet De lutte(=
 ken kinder volgheden eme na an *der* fstat vnd nemen dat
 unreyne hor vnd worpe ene mede Do karde sich
*ihesus*¹ vmbe vnd sprac to den kinderen naden dat gi
 dit dot an iwer kintheÿt wo vele mer pine
 vnd fmaheyt fcolde gi *don* mi alle ofte gi wllewaſ(=
 fene man weren do vorden fe ene hen alfo heteliken
 dat fine vote gichtefwanne dat ertrike nicht
 en rorden Do he *quam* vormittef an de fstat do vel
 he darneder van modicheyt vnd mochte def cru(=
 cef allene nicht dregghen do dwngghen de ioden
 eynen man de het *fymon* De help em dregghen dat
 cruce do ledden fe ene hen to dem galberbghe
 vnd ic arme bedrouede fin moder maria volghe(=
 de wſte mit anderen wrowen de fcrigeden vnd we(=
 neden vnd ledden mic wante ic van modicheyt
 vnd van groten hertefere nicht gan en mochte Mer
 do fach *min* leue kint vmbe vnd sprac den we<n>e(=
 [77v,01]den vrowen to aldus Dochtere van fyon *iherufalem*
 bewenet mine fmaheyt vnd minen bitteren
 dot nicht mer bewenet dat dar menich menſche
 van iw ſcal eboren werden den *min* bittere dot num(=
 ber ſcal to helpe werden do toghen fe ene hen to
 dem galchberghe vnd legheden ene al modernaket vp

¹ eigentlich: *ihesus*

dat cruce vnd bunden ene mit den neghelen an dat
cruce Do vraghede anfelmus oft he icht blodede
Do sprac vnse vrowe Nen wante de naghele grot
weren alle de wile de he lach vp dem cruce so bestoppe(=
den de neghele de wunden dat se nicht bloden mochten
Mer do he vppericht was mit dem cruce do reten em
de hande vnd de vote van der swarheyt des lichames
de sic nedertoch do got vt dat blot vt handen vnd
voten da vntfinc ic dat blut mit minen henden wo
mi do were an minem herten dat proue en geuelic mo(=
der an erme kinde Mer do rep ic mit ener iamer(=
liken stemme vnd dat horde de sceker vnd sprac mi(=
neme leuen kinde to here denk miner fo wanne
du kunft in din rike Do antwerde em min leue kint
Nademe dat ic deffe bittere marter dor des funde(=
des willen lide fo secke ic di dat vorwar dat
du scalt hude mit mi wesen in den vroliken para(=
dise Do min herteleue sone vpgherichtet waf
mit dem cruce do sach he mi an vnd sach ic ene we(=
der an do hadde he groter hertefer vmbe mine be(=
[78r,01]drofnisse den he van sinen pinen do hangede he an dem
cruce also lam dat me scret vnd dede nu sinen munt
vp vnd ic arme vrowe sac minen herren vnd minen sonen
an dem cruce steruen enes lesterliken dodes do sach ic dat
blut herestriken an uer enden fines liuef vnd wart
wl herteferes wante ic moeste do vortigen des de van
minem liue gheboren was want ic en hadde do anderef
nen kint mer dat dar vor min hanghede an dem cruce
dat waf min enege kint vnd ic wolde em gerne to(=
spreken mer dat grote hertefer dat an minem
herten was dat nam mi de sprake. Ich sach oc
den ghesteruen den ic les hadde van herten vnd van
alle miner sele do vntvelle mi alle mine lede
van enicheyt des herteferes he sach mi an mit
eneme bedroueden antlate sine wenede moder
vnd wolde mi trosten mit corten worden mer ic en

mochte nenen troft vntfan· Mer ic wenede vnd
ſprac. Owe ſtade me def dat ic mote vor di ſter
ſteruen. O ic arme wat mach ic nu don nu
ſterft min leue fone vnd warumbe en ſterft
nicht mit em ſin bedrouede moder. Eya fote
kint vortýge miner nich Lat mi mit di ſter(=)
uen du ſterueſt ouele allene. O arme dot vn
ſcone mi nicht du biſt mi dat nutteſte mor(=)
de de moder mit dem kinde. O min herte fone lat
[78v,01]mi mit di ſteruen wante du dat van mi heueft
dat du machſt ſteruen. Eya benedie dine ar(=)
me bedroueden moder vnd twide mi des ic di
bidde id is eyn tucht dat en fone ſinre moder
twide de funder troft is· Ich bide leue fone
dat tu twideſt mi vnd nim mi mit di an
den galghen def cruceſ wante we al en
lif ſin vnd mit ener leue vs lef hebbet. Eya
ſo lat vnf enef dodef ſteruen. O gi armen io(=)
den. O gi vnarmhertighen ioden· vn ſconet
mi nicht wante gi min eneghe kint mor(=)
met vnd crucighet hebbet. Eya crucighet oc
de bedroueden moder vp dat ſe enef dodef mit
erme leuen kinde ſterue he ſterft nicht wol
allene wante gi nemet der werlt eren ſcin
vnd mi armen vrowen ere leue kindelin. Mine
vrowde mine ſoticheýt min leuen mordet me
nu vnd alle minen troft beneme gi mi nu vnd
warvmbe leuet moder nademe kinde an grotem
hertefere· Nemet de moder mit dem kinde vnd han(=)
get ſe bi dat kint wante ſo if fote to ſter(=)
uende mit erme leuen kinde ener armen mo(=)
der Mer ic wunſche def bitteren dodes vnd
[79r,01]he vlot mi. Owe armen minen leuen kinde cumt
de dot ſnelleken· vnd id were mi betere dat ic
ſtorue den ic leue wante ic bin alſo en de <iutto>
ſtêft O herte fone o allerfelgeſte kint du vormacht

alle dinc wol irbarme dic ouer dine arme be(=)
droueden moder vndtfa mine bede vnd wes diner
moder nicht alto hart wante du allen luden wereft
bequeme vntfa dine moder an din cruce wante mi if
nu nicht foteref mer dat ic bi di hange vnd fto(=)
ue mi di an dem cruce. O min kint du wereft min
vader min moder min brudegam min fone vnd al minn
troft Nu bin ic deffes alles berouet. Owe mi
nu war fcal ic mi nu henenkeren we fcal min
troft nu wesen vnd mot ic nicht mit di fteruen
fo ghif mi doch enen de mi rade vnd trofte Do fpr
fach min leue kint iamerliken van dem cruce mi to
mit den ogen vnd mit dem antlate vnd wifede iohan(=)
nef minen neuen vnd fprac fu iohannef fcal wesen
din fone vnd du fcal wesen fin moder vnd dat antlat
waf do wit vnd de tranen de vloten eme vte den
ogen alfo he fpreken scolde O allerfotefte moder du
bift alto wech to wenende alto wech to hertefere
vnd weftu def nicht dat ic darumbe komen bin
vnd darumbe minfche worden van di vp dat ic
mit dem galgen def cruces lofe alle minflich
cunne dit moftu wesen dor minfchen felicheyt
wante na deme dridden daghe fcal ic vpftan van
[79v,01]dode vnd wil mi di vnd minen iungeren openba(=)
ren Lat din wenent do hen dit hertefer wro(=)
we dic mit mi wante ic mi wunden heb den min(=)
fchen de bitter lopen heuet vifdufent iar lat
ene fteruen vp dat alle de werlt leuendich wer(=)
de en minfche fundege vnd alle de werlt wart
vorloren vnd en minfche fterft nu vor den min(=)
fchen vp dat fe alle funt werden wo herteleue mo(=)
der vnd ne mot ic dem na der pine nicht drinken den
min vader mi fcenket heuet Lat din wenent wro(=)
we moder ic en vorlate diner nicht ic wil mit di
wesen vnd du mi wesen gimmermer lat dat
wesen dat ic na der minfchet nu deme dode

harfam fi iodoch na *der* gotheyt bin ic vndot(=)
lic Do sprac vñse leue vrowe to vñem *herren* we
mochte ener *moder* dat weren dat se nicht en wene(=)
de wan er leue kint *iamerliken* vor er ftorue
mer de vn**bar**mhertig were. Darna to none rep
ihesus *iamerliken* vnd lude vnd gaf *finen* geyft
vp do beuede de erde de ftene spaleden sic De fun(=)
ne vorlofsz eren fcin. De doden richteden sic vp
alle de werld rep dat se den *iamer* nicht liden
mochten. Do bat ioseph den licham vnd nam ene
van dem cruce. Do vraghede *anfelmus*. Eya
vrowe *wanne* ghinc iw dat fwert dor *iuwe*
herte. Do antwerde em vse vrowe. Do ic ho(=)
pede defz dat alle *finer* pinne en ende was na(=)
[80r,01]deme dat he dot was. mer do *quam* en ridder de het
longinus mit enen *scarp*en spere vnd ftac en dor dat *herte*
dar ginc vt *water* vnd blot do ic dat fach do was
mi efte mi en fwerd dor *min* herte ghinge. Do rep ic
iamerliken mit *luder* stemne. Eya *allerfotifte* iunge(=)
linc wat hebbe gi dan was if *iuwe* miffedat
welc if *iuwe* broke. Dat me *iu* aldus vn**bar**m(=)
herteliken materet werlkken *nichtes* nicht
mer ek bin en *fake* vnd *min* flechte wul *der* bitteren
pine Do leide ioseph den lichamen *van* dem cruce.
Do vil vse leue vrowe *fin* *moder* vp *fin* houet
vnde kufde ene vor den munt vnd sprac. Wan(=)
nen fcal ic di echt *fen* leuendich *herte* kint vnd
horen di *futeliken* spreken also ic dicke heb
dan vnd *iohannes* vil vp dat *herte* vnd cufte dat
maria *magdalena* vp de vote de se dwagen
handde mit eren *tranen*. de *custen* se Do wart
he to *dem* graue bracht do sprac vse vrowe
O leue ioseph vnd ne grauet en fo drade nicht
gheuet one noch *finer* *armen* *Moder* dat se halde
dot *naden* dat se ene nicht leuendich halden
mochte do *nam* se ene an eren fcot vnd sprac

al wenede ihesu fote *Jesu* min fcheppere min
kint wo grimeges dodes du fforuen bift
Nu fcrif de wife man *anfelmus* dat vfe vro(=)
we *van groter kranheyt eren fonen* nicht vol(=)
gen mochte to dem graue *mer van anderen* vro(=)
[80v,01]wen wart fe togen vnd gedragen. Do fe ftunt bi dem gr^aue
vnd vort token en mochte to erme kinde *van kran(=)*
heyt do rep fe to ho *iohannes* erme neuen vnd fprac
Eya *iohannes* min leue neue help mi dat ic noch
den licham minef kindes to ener ftunt an mi(=)
ne hande hebbe. darna fo bat fe dat me fe
mit ime begroue darna do *Jesus* begrauen
waf do ledde me vfe vrowen to *iherefalem* in de
ftat wante *iohannes* dem fe bevolen waf de wenede
vnd fcriede dat he fic oc nicht unthalden en kon(=)
de de borede vfe vrowen vp al wenede wente
fe mode vnd kranc wafz *van groten hertefere*. vnd
van wenende vnd *manigerleye* pine fo en mochte
fe nicht up eren voten gan darv^mme ledden fe to
iherefalem do de vorghfcen *van der ftat marien*
feghen do worden fe *herteferich* vnd *barmeden* fic
ouer *mariam* *hertefere* makede den vrowen grot
hertefer vnd de vfe vrowen wenen fach de moste
mit er wenen vnd war fic *maria* *hennekarde*
fo weneden aller de fe fegen wante dat blot eres
kindes hadde fe an eren antlate an erme clede dar(=)
vmbe alle de vrowen to *iherefalem* lepen vp de ftraten
van eren hufen vnd oc gichtefwellec man vnd re(=)
pen dat dem *iunghelike Jesu* grot vndrecht vnd walt
were dan vnd oc *der armen moder marien*. vnd de lu(=)
de weneden mer de bedrofni^{ff}e *marien* den dat
vnrecht eref kindes do wart *maria* bracht
to *iohannes* hus vnd *nam* erer groter war wan finer
moder vnd dar blef *maria* want fe ftarf. amen
[81r,01]Swe dit het left de vordenet *fezdufentfeshundert(=)*
vndfeyndfeyndich iar *afflatet*. [[D]]e *himmelfche*

koning vnse herre *Jesu x̄* de hangede in dem cruce alleÿ(=
ne mit minnender gotheyt mit sampter fele mit dro(=
uigeme finne mit verwundeme herten mit kra(=
cheden leden mit tohowedeme liue mit blodigen
wnden mit vletende backe mit vtreckeden armen
mit todenenden aderen mit ropendeme mude mit heÿ(=
cer ftempne mit blekeme antlate mit dotliker ver(=
wen mit wenenden ogen mit fwindelme her<n>e mit
trorigeme ghebere mit emme bernende ernfte mit
eyscheneme herten mit suftenden kelen mit vorfere(=
deme houede mit dotliken liue mit vorstedeme
ende mit vpgedaneme herten vnd fiden d̄arvt blot
de <or>sprinch vt dem bornen def leuendigen waters in
minne brach eme fin herte des danke ic di here